

杭州府志卷六十一

賦稅四 減賦全案一

按浙省漕額杭嘉湖三府爲獨重咸豐庚申辛酉間粵賊寇浙省城再陷遺氓顛連田廢不治同治三年省城克復郡縣以次廓清 朝廷軫念元元 特飭督撫臣核減漕糧以紓民困內外臣工章疏繼上 溫綸諮訪至於再三三郡子遺沐浴膏澤誠曠世未有之盛典也恭錄 諭旨並內外各奏疏備著於篇

同治二年六月初三日奉

上諭前因潘祖蔭丁壽昌先後奏請酌減浙江等處漕額當交戶

杭州府志

卷六十一

賦稅四

部議奏嗣據曾國藩等奏請減蘇松太三屬漕額因特降諭旨宣示令曾國藩李鴻章分別查明折衷議減茲據戶部奏稱江蘇之蘇松常鎮太四府一州浙江之杭嘉湖三府盡遭蹂躪民不聊生現在蘇松太三屬已奉特恩准予量減常鎮漕額雖較輕於蘇松等屬而比之各省額數究形其重似應一律量加體恤其浙江杭嘉湖三府並請飭左宗棠確查稅則重輕分成酌減惟據曾國藩等所奏減蘇松太三屬漕額聲明與舊額本輕毋庸議減之常鎮二府通融核計每年起運倉米一百萬石以內蘇松太三屬實徵米五十萬石按之原額止存十分之四以常鎮二府額徵米較之未免不得其平請將松蘇太三屬漕額統按原額減去三分之一

常鎮二府照原額酌減去十分之一各等語漕糧爲天庾正供京師仰食東南相沿已久必須通籌熟計中外兼權若竟將蘇松太三屬額賦驟減十分之六而他屬不得均霑於倉儲既有關繫於辦法亦欠均平著曾國藩李鴻章按照戶部酌派分數將蘇松常鎮太等屬漕糧各按上中下賦則一體分別議減以昭平允並將各該州縣等田額若干酌減若干分晰開列奏聞請旨務令下恤民生而不至上虧國用方爲妥善至浙省疊遭兵燹小民流離失所殊堪軫念自應將該省漕糧量予減免以示公溥之仁著左宗棠通飭杭嘉湖三屬將實在應徵漕糧稅則詳細確查各按重輕分成量減奏明辦理欽此

邸抄

杭州府志

卷六十一

賦稅四

二

福建道監察御史丁壽昌奏爲請特沛

恩綸永減蘇杭等處漕糧定額以收民心而寒賊膽恭摺仰祈

聖鑒事竊漕糧一項以江浙二省爲大宗而江浙之漕以蘇松常鎮太杭嘉湖七府一州爲尤重從前全漕四百餘萬石而江浙二省幾及三百萬石居天下漕糧四分之三自蘇杭淪陷漕運全停松江太倉雖經收復而彫弊之餘民窮財盡即使蘇常杭嘉湖等府全行克復尙須招集流亡培養元氣糧賦未能足額漕運斷難如常且小民畏漕額之重未收復者觀望遷延已收復者流亡遷避使東南膏腴之地不敢歸耕

國家財賦之區久爲賊踞蘇杭一帶百萬生靈不蒙

聖朝之德澤輾轉流離良可哀憫臣愚以爲欲寒今日之賊膽必先收今日之民心欲收今日之民心必先減最重之糧額蘇杭等府所最苦者漕糧之重蘇松爲甚常鎮太杭嘉湖次之考宋初江南畝稅一斗至南宋賈似道買民田爲官田畝稅七斗而民始困元時令天下田稅無過畝三升而官田之重如故明初沒入張士誠官田按其私租籍徵之畝至八斗而民重困其初止官田賦重民田賦稅不過五升至嘉靖中創議田不分官民稅不分等則一切以三斗起徵而各州縣又以官田之多少爲稅則之輕重多者長洲畝科三斗七升少者太倉畝科二斗九升而一條編法上下忙銀耗米輕齎勒折浮收尙在其外竭一畝之入不足交一畝之

租農民朝納官糧夕成餓莩至有以田地白售與人不取價值而人畏其糧重無肯收受者積弊日甚拖欠日多官困於考成民疲於徵比有明一代君臣皆知其弊屢議裁減皆格部議而止我朝因其成法加以寬仁康熙年間屢次蠲免天下錢糧嗣後每逢恩詔蠲免民欠官糧不下數百萬石遇災荒之年下

詔緩徵亦不下數十萬石雖民困稍舒而糧額未減是徒有重賦之名並無收稅之實查例載蘇松糧道所屬四府一州應徵漕白米一百二十餘萬石每石耗米三斗四斗不等浙江糧道起運杭嘉湖三府應徵白米六十四萬餘石每石耗米四斗及四斗五升不等計七府一州之地開方不過五百餘里而收漕白正耗米二

百五十餘萬石較之江西湖南北三省漕糧正耗米九十六萬餘石將及二倍其應徵漕截輕齎等銀尙有數十萬兩賦重若此民何以堪所以從前未能議減者以度支浩繁江浙完善官員俸米兵丁甲米皆仰給於南漕何敢輕言減額今則南漕停運已將二年俸米減成甲米輪放太倉竭蹶情形不堪設想蘇杭等郡久陷賊中小民受

國家二百餘年豢養之恩踐土食毛豈肯甘心從賊特爲凶威所脅不能自拔來歸與其委之於賊使得暴斂橫徵曷若蠲之於民使早脫離水火誠能特沛

恩綸舉行曠典將蘇杭等處七府一州之地按照各州縣應徵漕

杭州府志

卷六十一

賦稅四

四

糧白糧舊額永減三分之一令該省督撫統兵大臣多刻膽黃偏加曉諭宣布京外傳聞賊中臣知江浙士民必感激涕零歡欣鼓舞已收復者亟思減賦未收復者率衆歸誠大兵所到自有破竹之勢東南可指麾而定計此後全漕尙有三百餘萬石可實京倉小民既易於充納財賦自日見充盈書曰天矜於民民之所欲天必從之論語曰百姓足君孰與不足且此項南漕全收之時少緩徵之時多各州縣因徵收不足規避處分多報災荒分數照例緩徵是從前未減之時實與減額無異若廣浩大之

皇仁減最重之糧額無損於

國有益於民前朝數百年所不能減者自我

朝特減之書之史策傳之四方使億兆歸心賊人破膽上培元氣下順輿情當今之急務無過於此者惟事關糧額應請

飭下部議施行

同上

戶部議准同治二年四月二十日光祿寺卿潘祖蔭奏請酌減蘇松漕額一摺奉

旨戶部議奏欽此二十三日福建道監察御史丁壽昌奏請永減蘇杭等處漕額一摺奉

旨戶部議奏欽此欽遵先後交出到部潘祖蔭摺內大致以江南漕賦之重甲於天下近年漕欠極多地方官愈多虧空曩時以積重難返憚而莫爲今則江南數郡兵燹頻經因請酌減舊賦更定杭州府志

卷六十一

賦稅四

五

新章等語丁壽昌摺內大致以漕糧一項江浙爲大宗自蘇杭淪陷漕運全停

國家財賦之區久爲賊踞欲寒今日之賊膽必先收今日之人心欲先收今日之人心必先減最重之糧額因請將蘇杭等屬七府一州按照每年應徵漕白糧舊額永減三分之一等語均係爲固民心培邦本起見臣等正在公同核議間後於五月二十四日欽奉

上諭節據曾國藩李鴻章等奏報克復松江府太倉州地方並陳及該處百姓被賊殘虐爲數百年來所未有各廳州縣田畝拋荒著名市鎮悉成焦土窮鄉僻壤亦復人煙寥落連阡累陌一片荆

榛居民間有子遺顛連窮困之狀有難殫述者覽奏情形曷勝憫惻因思蘇松太三屬地方本爲東南財賦之區繁庶甲於天下而賦額亦爲天下最重比之他省有多至一二十倍者良由沿襲前代官田租額且自宋明兩代籍沒諸田皆據租籍收糧所致嘉靖中又令各州縣盡括境內官田民田分攤定額蘇松等屬田賦至比官田通額亦皆大有增加我朝順治年間卽經明奉

聖諭以故明讎怨地方加糧甚重我朝何可踵行飭由地方詳察具奏嗣於雍正乾隆年間迭奉

恩旨以蘇松浮糧施恩議減將江蘇府額徵銀蠲免三十萬兩松江府十五萬兩又江蘇省糧額浮多之處加恩免徵銀二十萬兩

杭州府志

卷六十一

賦稅四

六

仰見我

祖宗軫念民艱至深且厚國家承平百餘年來海內殷富江蘇自乾隆年間辦理全漕者數十年固由民力之充亦屬民心之厚及道光年間兩次大水以後各州縣每歲荒歉加恩蠲免遂成年例嗣定每年徵收之數內除官墊民欠率得正額之七八成或四五六成不等民力殆已難堪及至粵逆竄陷該省焚燒劫掠民盡倒懸幸自上年官軍克復松江本年克復太倉現方飭今統兵大臣等進取蘇州救吾民於水火而各地方經賊荼毒彫瘵至極若不將該各府州屬數百年浮糧積弊仰體

列聖深仁厚澤大爲核減無論民力斷有不堪卽使勉強減成輸

納何以慰如傷之隱而施浩蕩之仁且令官紳胥吏徒營中飽尤爲弊之甚者亟宜因此時會痛加埽除所有蘇州松江太倉三府州屬糧額著兩江總督曾國藩江蘇巡撫李鴻章督飭司道設局分別查明各州縣情形折衷議減總期與舊額本輕毋庸議減之常州鎮江二府通融核計著爲定額先自松太創行卽以此後開徵之年爲始永遠遵行不准再有官墊民欠名目蘇州所屬侯肅清後一體辦理嗣後非大水旱成災實在荒歉者並不准捏災請緩請蠲且蘇松漕弊尤莫如大小戶等名目紳戶把持州縣浮收種種弊竇皆出其中著卽永遠禁革所有一切辦理章程及應行裁革之浮收陋規包戶等積弊均著該督撫悉心妥籌詳細具奏

杭州府志

卷六十一

賦稅四

七

務期上舒國用下恤民生變通盡利經久可行用副朝廷痾瘼在抱嘉惠斯民至意欽此仰見

皇上痾瘼在抱嘉惠斯民之至意臣等伏思

國家歲漕東南四百餘萬石輸之京倉以供支放統計每年放款約需三百餘萬石以全漕額數計之除年例開放外尙有盈餘米一百餘萬石時遇水旱偏災

加恩寬免應運之正供恆難依額全完而例放之俸糈仍須照常關領故爲蓄積之計不得不先事圖維於量入爲出之中仍寓酌盈濟虛之意至於各省賦額多寡不同悉皆纂入賦役全書頒行天下垂之永久成規具在原不敢輕議更張茲據潘祖蔭丁壽昌

等奏稱前因查山東河南等有漕八省共額徵米四百五十餘萬石而蘇杭等七府一州實應徵米二百五十餘萬石幾及全額十分之六其間以蘇松爲最重杭嘉湖太次之常鎮又次之非各省之田額皆狹而七府一州之田額獨寬各省之土脈皆薄而七府一州之土脈獨厚也其原由於南宋賈似道買民田爲官田而增其租額流及於明嘉靖中均官田民田爲一則州縣之額各視官田之多少以爲準故不特各府之稅則不同卽各縣之賦額亦異而蘇松又以元末張士誠之竊據洪武有意讎怨之以租額爲官糧故較他府州爲尤重也我

朝平定江南深仁厚澤淪浹民心二百年來承平相繼賦則雖重杭州府志 卷六十一 賦稅四 八 民力尙足供支乃自逆氛肆擾江蘇之蘇松常鎮太四府一州浙江之杭嘉湖三府盡遭蹂躪民不聊生現經曾國藩李鴻章左宗棠督率將士分路進兵不難尅期恢復惟東南元氣已傷從前財賦之區至此悉形彫弊小民雖有再生之日編戶均成子立之身是非大廣

皇仁恩施格外將旣渙之人心勢難驟集而歲漕二百餘萬亦徒成紙上空談夫事窮則變變則通通則久臣部職任度支救弊補偏尤在內本外末大抵欲培

國本先恤民艱所謂有人此有土有土此有財有財此有用也現在蘇松太三府州屬漕糧已奉

特恩准予量減應由兩江總督曾國藩江蘇巡撫李鴻章確查各屬實在情形分別糧額之重輕酌量議減仍將各府州縣原定額數及此次議減成數造具清冊專摺奏交臣部覆核再行奏請恩施其浙江杭嘉湖三府并請

飭下閩浙總督署浙江巡撫左宗棠通飭所屬將各該府州縣實在應徵漕糧稅則詳細確查各按重輕分成量減統俟奏到之日由臣部核覆辦理惟是正供定額關係歲需下恤民生仍當上籌國計是在該督撫中外兼權通盤核計俾立法期於久遠而制用無礙常經是爲至要所有臣等遵議緣由理合恭摺具奏伏乞

皇上聖鑒謹

杭州府志

卷六十一

賦稅四

九

奏

會典戶部事例

閩浙總督左宗棠奏竊臣欽奉同治二年六月初三日

上諭浙省迭遭兵燹小民流離失所殊堪軫念自應將該省漕糧量予減免以示公溥之仁著左宗棠通飭杭嘉湖三屬將實在應徵漕糧稅則詳細確查各按重輕分成量減奏明辦理欽此當因杭嘉湖三屬均未克復戶口流亡徵冊燬失應俟該地方肅清各就各地情形分別裁減於上年十二月覆奏在案本年八月湖州克復浙西一律肅清卽與布政使蔣益漕糧儲道楊昌濬商議於省城設立清賦總局悉心規畫盡善伏查杭嘉湖三府漕額之重與江蘇蘇松太等蘇松太旣議減三分之一則杭嘉湖亦宜仿照

辦理就杭嘉湖三屬徵糧科則言之又以嘉湖爲重杭州次之就嘉湖兩府言之又以歸安烏程嘉善嘉興秀水爲最重平湖海鹽桐鄉石門德清次之長興武康各屬又次之杭屬臨安於潛昌化新城等縣山多田少故較之嘉湖糧賦固輕出產亦遠遜也嘗考杭嘉湖三屬賦重之由始於宋季賈似道之官田元代因而增之明初張士誠據姑蘇兼有嘉湖各郡明祖平張士誠遂用其租籍收糧已而又括官田之糧均之民田層遞加增民困獨甚我朝定鼎以來康熙中免三分之一者一年全免者一年雍正六年又減嘉湖二府額賦十分之一計銀八萬一千餘兩中間偶遇水旱偏災無不隨時蠲緩

杭州府志

卷六十一

賦稅四

十一

厚澤深仁有加無已故民力得以稍舒至乾隆嘉慶年間家給人足曾經歷辦全漕道光癸未辛卯以後兩次大水民間元氣大傷賦重之處未能全漕起運遂歲報災歛蠲免頻仍然

朝廷雖屢沛殊恩而小民未盡沾實惠蓋一縣之中花戶煩多災歛蠲免悉聽經書冊報世家大族豐收者亦能蠲緩編氓小戶被歛者尙或全徵且大戶僅完繳徵額小戶更任意誅求遲至厥滿停收卽須改徵折色每石價至五六千文不等以小戶之浮收抵大戶之不足官吏徵收不善小民咨怨有詞故開漕之案往往因之而起然州縣浮收亦非能盡飽私囊也從前河運之時旂丁需索幫費如咸豐初年每兌漕一石除給報部漕截銀三錢四分六

絲外尙須由州縣貼給費錢幫費一日不清幫船一日不開州縣
惟恐有誤運期不得不浮收以填慾壑而小民苦於苛斂弱者日
受追呼桀者或從中把持因而竄入大戶以致小戶日少大戶日
多旂丁之索費日重州縣之虧項日積民以完漕爲苛政官以辦
漕爲畏途積弊相因官民交困咸豐二年改行海運每日連商船
水腳及南北用款統計約需銀八錢有零曾奏准以給幫漕截抵
支水腳其不敷之項按各州縣幫費重輕酌提解省津貼自七錢
至四錢不等較河運之時已爲節省茲奉
恩旨飭議覈減漕糧將舉數百年積困而舒之崇朝固三郡羣黎
所呼籲祈禱而不得者臣等躬逢

杭州府志

卷六十一

賦稅四

十一

盛世若不能博訪利弊之所在而悉心參酌衷諸至當以規永久
不特無以副

朝廷曠古未有之隆施亦何以慰草野久困思蘇之至意謹就現
在應行籌辦大概情形列爲四條敬爲我

皇上陳之一日減正額浙省杭嘉湖三屬額徵漕白改漕南匠行
月等米共一百一十餘萬石徵糧之則大小不同卽浮額之糧亦
多寡不同現須分別量減自應先去浮額之甚以除輕重不均之
弊擬各按上中下賦則分別定數如每畝徵米一斗一升以上至
一斗八升者爲上則自六升以上至不及一斗一升者爲中則不
及六升者爲下則按科則之輕重分別覈減總期於額徵數目酌

減三分之一庶科則定而減數因之而均也一日減浮收向來收漕加耗每石自一二斗至八九斗不等各視花戶貴賤強弱以定收數多寡今額漕既經減定則浮收之款豈可任其因仍惟州縣辦漕有修倉搭篷紙張油燭之費有倉夫斗級漕紀差役飯食之費有內河運米交兌夫船耗米之費有交米書役守候之費一切用款甚鉅且收漕交兌相隔一二月風晾搬轉虧折必多不能不於正漕之外酌留運費以資津貼應俟查明各州縣用項由外覈實辦理其向來加尖加價勒折諸弊自覈定之後概行裁革紳民一律均收不得再有大戶小戶之分庶穀祿平而公私因之而利也一日籌運費浙省向辦海運每石需費約銀八錢除向給幫丁

漕截銀錢四分六絲抵支外尙不敷銀四錢六分零現正額浮收概行分別覈減自未便再由州縣議提津貼擬請將海運經費每石定以八錢爲額除支漕截外不敷之款另行籌足查浙漕如照統減三分之一每年起運米不過六十萬石上下漕截一款不另核減計可餘銀十餘萬兩又節省給幫本折行月經費食米變價可得銀十二三萬兩又屯田租息及節省幫弁廉俸可得銀數萬兩統計將及三十萬兩足抵海運經費至所動正款八錢按年將動用款目據實奏給應請毋庸造冊報銷以歸簡便並不得逾八錢之數以示限制庶浮費裁而上下因之而利也一日裁陋規向來州縣收漕一切陋規極爲繁雜此次覈定新章應令各州縣據

實查明開摺呈送分別裁減庶弊竇清而漕收因之而肅也嗣後非實在旱潦不得再報災歉卽實在民欠亦不得再報墊完近數十年相沿陋習亦可除矣至應減米數須查明科則方能覈定現在地方新復冊籍無存已飭各屬勒限趕造除白糧粳糯爲天庾正供擬仍照額辦運擬減之數應統於漕糧項下註扣此外南糧行月匠糧等仍各歸款按成扣減至杭嘉湖三屬漕糧稅則輕重不同自應查照各縣科則量減併計總期共減若干伏查各處被擾情形如杭屬之臨安新城於潛昌化湖屬之長興武康孝豐安吉皆路通徽甯受害尤烈室廬盡成灰燼田地久已荒蕪卽招集亦寥寥可數從前道光年間及咸豐初年辦理漕運每屆皆不過

七八十萬石及五六十萬石不等現擬照杭嘉湖全額統減三分之一如能辦理全漕與歷屆尙不相上下惟刻下三屬情形卽照減三分之一明歲新漕亦斷難如數徵納而欲爲經久之計又不能通計

國賦盈虛以爲定則可否仰懇

皇太后

皇上天恩俯准將杭嘉湖漕糧統減三分之一明歲新漕再酌量辦理之處出自

聖裁至海運經費每石向抵支銷漕截銀三錢四分六絲此次請以八錢作爲定額與部案不符惟查商船水脚及南北用費每石

實需銀八錢其餘不敷之項皆係各縣津貼此時不將津貼一項裁革則雖有覈減之名仍未得覈減之實故不得不據實瀝陳懇懇

聖恩准於漕截並行月屯租各項下照數動支庶漕弊可以盡革又通省地漕銀兩及浙東各屬南米或關係餉需或抵支兵食除正額毋庸查議其淨收之款亦應分別裁革現甯波溫州紹興三府業已定章處州亦經減定其餘各屬應卽一律覈減以昭公溥除俟查明各縣酌減數另行具

奏外理合將議減杭嘉湖三屬漕糧大概情形恭摺具奏

左文襄奏議

戶部議覆閩浙總督左宗棠奏議減杭嘉湖三屬徵收漕糧大概

杭州府志

卷六十一

賦稅四

十四

情形一摺同治三年十二月初二日議政王軍機大臣奉

旨戶部議奏欽此欽遵由內閣抄出到部據原奏稱查杭嘉湖三府漕額之重與江蘇蘇松太等蘇松太既議減三分之一杭嘉湖亦宜仿照辦理就杭嘉湖三屬徵糧科則言之又以嘉湖爲重杭州次之就嘉湖二府言之又以歸安烏程嘉善嘉興秀水爲最重平湖海鹽桐鄉石門德清次之長興武康又次之杭屬臨安於潛昌化新城等縣山多田少較之嘉湖糧賦固輕出產亦遠遜也從前河運之時旗丁每兌漕一石除給報部漕截銀三錢四分六絲外尙須由州縣貼給費錢積弊相沿官民交困咸豐二年改行海運每石連商船水腳及南北用款統計約需八錢有零曾奏准以

給幫漕截抵支水腳其不敷之項按各州縣幫費重輕酌提解省津貼自七錢至四錢不等較河運之時已爲節省茲奉

恩旨飭議核減漕糧謹就現在漕務應行籌辦大概情形列爲四條等語臣等伏查同治二年六月間臣部議覆潘祖蔭丁壽昌等請減漕糧摺內議令閩浙總督署浙江巡撫左宗棠通飭所屬將各府州縣實在應徵漕糧科則詳細確查各按重輕分成量減又於上年十二月間議覆沈秉成請分別核減湖州府漕糧摺內議以科則之重輕當以每畝徵收若干爲斷請

飭令浙江巡撫體察情形按畝議減其杭嘉二府應減銀米亦卽照此分別辦理均經奉

杭州府志

卷六十一

賦稅四

十五

旨允准遵行在案茲據左宗棠奏陳浙省漕務積弊並現籌核秉大概情形臣等督飭司員悉心查核如議減正額一條據稱杭嘉湖三屬額徵漕白改漕南匠行月米共一百一十餘萬石擬共按上中下賦則分別實數如每畝徵米一斗一升以上至一斗八九升者爲上則自六升以上至不及一斗一升者爲中則不及六升者爲下則按科則之輕重分別核減總期於額徵數目酌減三分之一等語臣等查各省漕額以江蘇浙江爲最重而浙省漕額又不若蘇省之多臣部前議核減蘇省漕糧將蘇松太三屬統按原額酌減三分之一常鎮二屬照原額酌減十分之一統計蘇松太常鎮四府一州原額徵米一百六十六萬餘石除酌減外可得米

一百二十萬餘石是江蘇一省統減米數係於三十分中減去八分浙省杭嘉湖三屬額徵漕白改漕正耗米九十五萬餘石通盤核計原比蘇省較少該督請將三屬漕額統減三分之一未免過多臣等公同商議擬請將杭嘉湖三屬漕糧仿照江蘇辦法統按原額於三十分中減去八分至白糧粳糯爲天庾正供應如該督所奏仍照原額辦運應減之數准其統於漕糧項下註扣惟各屬科則多寡不同應令該督撫確切查明如每畝徵米一斗一升以上至一斗八升者爲上則自六升以上至不及一斗一升者爲中則不及六升者爲下則各按重輕分別多寡量爲核減總以統計杭嘉湖三屬漕額量減三十分之八爲率仍將該各州縣上中下

等田各若干畝舊額若干酌減若干迅速分晰開列奏報至行月糧原係隨漕徵收自應隨糧遞減惟南匠米石額征之數與支放數不甚相懸並無贏餘毋庸議減俾資辦公又該督議籌運費一條稱浙省向辦海運每石需費約銀八錢除向給幫丁漕截銀三錢四分六絲抵支外尙不敷銀四錢五分零現額浮收概行分別核減自未便再由州縣議提津貼擬請將海運經費每石定以八錢爲額除支漕截外不敷之款另行籌足浙漕如照江蘇統減三分之一每年起運之米不過六十萬石上下漕截一款不另核減計可餘銀十餘萬兩又節省給幫本折行月經費食米變價可得銀十二三萬兩又屯田租息及節省幫弁廉俸可得銀數萬兩統

計將及三十餘萬兩足抵海運經費至所動正款八錢按年將動用數目據實奏給應請毋庸造冊報銷並不得逾八錢之數以示限制等語查浙省海運向只支銷漕截銀兩其不敷之項皆由州縣酌提津貼並不動用庫款是以准免報銷今該督以正額浮收概行核減請將津貼一項裁革自係爲釐剔漕弊起見但所需運費總宜於漕務項下寬爲籌備俾敷應用不得於漕項之下再動別項正款至一切支銷如有應裁應減者亦宜分別裁減力求撙節不得卽以八錢作爲定額應仍令該督撫從長計議量入爲出將籌備款項及應用數目再行據實覆奏由臣部核定後方准照數動支如有盈餘報部候撥准免造冊報銷以歸簡便至該督所

議減浮收裁陋規兩條據稱向收漕加耗每石自一二斗至七八升不等各視花戶貴賤強弱以定收數多寡今漕經減定則浮收之款豈可任其因仍惟州縣辦漕用款甚鉅虧折亦多不能於正漕之外的酌留運費以資津貼應俟查明各州縣用項由外核實辦理其向來加尖加價勒折諸弊自核定之後概行裁革紳民一律均收不得再有大小戶之分又稱向來外州收漕陋規一切極爲繁雜此次核定新章應令各州縣據實查明開摺呈送分別裁減各等語所奏實爲理漕要務自應令該督撫飭藩司糧道等將浮收陋規兩項核實裁減明定章程嗣後收漕州縣如再有陽奉陰違復蹈前時惡習卽行嚴參懲辦毋稍徇隱又原奏內稱前道光